



Harald Bianco
-/ Maani

Angallassinermi ikiortit timmisartunilu usilersuisut aningaasarsiaqarnikkut atorfeqartitaanikkullu assigiimmik atugassaqartinneqarnissaat pillugu § 37 naapertorlugu apeqqtinut akissut

Brevdato: 16-05-2023
Sagsnr. 2023 - 11509
Akt id. 22955213

Matumuuna apeqqtinut tulliuuttuni taaneqartunut akissut nassiunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Naalakkersuisut suliani assigiinni assigiimmik akissarsiaqartitsinissamik anguniagaqarlutik sulissuteqarniarpat?
2. Naalakkersuisut suliani assigiinni assigiimmik suliffimmi atugassarititaasunik pilersitsinissaminnut sulissuteqarniarpat?

Akissut:

Suliat assigiit assigiimmik akilerneqartarnissaat Naalakkersuisut sulissutigaat. Taamattaq Naalakkersuisut suliani assigiinni assigiinnik sulinermi atugassaqarnissaq sulissutigaat. Taamaamat apeqqt 2-mut akissut naatsoq tassaavoq aap.

Apeqqtinut tunngavilersuutinni angallassinermi ikiortit timmisartunillu usilersuisut atorfeqartitaanermi atugassarititat erseqqinnerusumik iserfigaatit. Angallassinermi ikiortit Air Greenlandimi atorfeqarput, timmisartunillu usilersuisartut siusinnerusukkut suliffeqarfimmi namminersortitami Mittarfeqarfinni atorfeqarput. Ingerlatseqatigiiffiit marluk taakku Namminersorlutik Oqartussanut assigiinngitsumik attaveqarnerat pissutigalugu, pineqartunut taakkununga marlunnut aningaasarsiaqarnikkut atugassarititat imminut assersuunneqarsinnaanngillat.

Air Greenlandip nammieerluni sulisartut kattuffiit aningaasarsianik isumaqatigiinninniarnit ingerlattarpai. Namminersorlutik Oqartussat taakku ingerlanneqarneranni akuuneq ajorput.

Mittarfeqarfiit ukiorpassuarni suliffeqarfittut namminersortitatut ingerlavoq. Mittarfeqarfiit taamaalillutik Namminersorlutik Oqartussat ilaattut inissisimapput. Taamaamat sulisorisanut aningaasarsiatigut atorfeqarnermilu atugassarititat manna tikillugu isumaqatigiissutini, Aningaasaqarnermut Sulisoqarnermullu Aqutsisoqarfiup Namminersorlutik Oqartussat sinnerlugit kattuffinnut attuumassuteqartunik isumaqatigiissuteqarfisaanni aalajangersarneqartarput.

Pisortat suliffeqarfiutaat ingerlatsiviilu namminersorlutik inuussutissarsiortunut sanilliullugit aningaasarsiaqarnikkut siuttuussannginnerat ukiorpassuarni anguniagaavoq. Taamatut anguniagaqarneq namminersorlutik inuussutissarsiortut pisortat ingerlatsiviinut sanilliullugit siuariartornissaannik pilerinarnerulersitsinermik siunertaqarpoq. Tamatuma

sanitigut pisortat aningaasarsianik annertussuliisarnerat, nunatta ataatsimut aningaasaqarnikkut inissisimaneranik aallaaveqartussaavoq.

Mittarfeqarfik A/S pillugu Inatsisartut inatsisaatigut nr. 19, 21. november 2022-meersukkut Mittarfeqarfiit aktiaatileqatigiiffingortinneqarnissaat inatsisitigut tunngavissinneqarpoq, taassumalu pigisai nalillit tamakkiisumik ilaannakortumilluunniit Kalaallit Airport Holding A/S (KAIR) aningaasaliissutigineqarput. Timmisartunik usilersuisut Mittarfeqarfiit ilaanni aktiaateqarluni piginneqatigiiffingortinneqartumi atorfeqarput. Kattuffiit attuumassuteqartut Mittarfeqarfiit A/S-llu aamma/imaluunniit KAIR A/S-p akornanni suliffeqartunut siusinersukkut Namminersorlutik Oqartussat isumaqatigiissutaanni inissisimasunik isumaqatigiissuteqarnissaq tamatuma malitsigaa.

Suliffeqartut pitsaanerusumik akissarsiaqalerlutillu suliffeqarnermi atugassaqaqarumanerat Naalackersuisut soorunami paasilluarpaat. Apeqqulli taanna isumaqatigiissutit assigiinngitsut isumaqatigininniutigineqarnerannut atatillugu aaqqinneqartariaqarpoq.

Inussiarnersumik inuulluaqqusillunga



Naaja H. Nathanielsen